

ურთიერთთანამშრომლობის მემორანდუმი
სსიპ - ივანე ჯავახიშვილის სახელობის თბილისის სახელმწიფო უნივერსიტეტის
და ა(ა)იპ - საქართველოს აუდიტორთა, ბუღალტერთა და ფინანსურ მენეჯერთა
პროფესიულ ფედერაციას
შორის

ქ. თბილისი

3 აგვისტო, 2018 წ.

ერთი მხრივ, სსიპ - ივანე ჯავახიშვილის სახელობის თბილისის სახელმწიფო უნივერსიტეტი (შემდგომში - „უნივერსიტეტი“), წარმოდგენილი მისი რექტორის გიორგი შარვაშიძის სახით და, მეორე მხრივ, ა(ა)იპ - საქართველოს აუდიტორთა, ბუღალტერთა და ფინანსურ მენეჯერთა პროფესიული ფედერაცია (შემდგომში „ფედერაცია“), წარმოდგენილი ფედერაციის გამგეობის თავმჯდომარის ელგუჯა აფრიდონიძის სახით (შემდგომში წოდებული, როგორც „მხარეები“).

მხარეები აცნობიერებენ რა საქართველოს ეკონომიკის სფეროში არსებულ გამოწვევებს, მათ გადაწყვეტაში ბუღალტრული აღრიცხვის, ანგარიშგებისა და აუდიტის როლის განსაკუთრებულობას, პროფესიული მომსახურების ხარისხის და კადრების კვალიფიკაციის ამაღლების აუცილებლობას, ქვეყნის საინვესტიციო და ბიზნესგარემოს გაუმჯობესებისთვის სამოქმედო სფეროებში საუკეთესო საერთაშორისო პრაქტიკის დანერგვის მიზანშეწონილობას,

გამოხატავენ საგანმანათლებლო და კვლევითი მიმართულებით თანამშრომლობის ორმხრივ დაინტერესებას,

გააჩნიათ ერთიანი პოზიცია საქართველოში ბუღალტრული აღრიცხვისა და აუდიტორული საქმიანობის სრულყოფის, საერთაშორისო სტანდარტების დამკვიდრების, ეკონომიკისა და ბიზნესის ფაკულტეტზე (შემდგომში „ფაკულტეტი“) სტუდენტთა საგანმანათლებლო პროგრამების ჰარმონიზების, კურსდამთავრებულთათვის აუდიტორთა სასერტიფიკაციო პროგრამის საგნების ჩათვლის და პროფესიული პრესტიჟის ამაღლების აუცილებლობის შესახებ,

წინამდებარე მემორანდუმის ფარგლებში თანხმდებან შემდეგზე:

მუხლი 1. ურთიერთთანამშრომლობის მიზანი

წინამდებარე მემორანდუმი გულისხმობს მხარეებს შორის ურთიერთთანამშრომლობას და მისი მიზანია:

ა) ბუღალტრული აღრიცხვის, ანგარიშგებისა და აუდიტორული საქმიანობის სფეროში მაღალკალიფიციური კადრების მომზადება;

- ბ) საგანმანათლებლო პროგრამების სრულყოფა;
- გ) პრაქტიკის ბაზის გაუმჯობესება;
- დ) საგანმანათლებლო და სამეცნიერო ლიტერატურის შექმნა;
- ე) თემატური სემინარების, სამეცნიერო და პრაქტიკული კონფერენციების და სხვა ერთობლივი ღონისძიების ჩატარება;
- ვ) კურსდამთავრებულთა დასაქმებასა და კარიერულ წინსვლაში ხელშეწყობა;
- ზ) ფაკულტეტის განაცხადის შესაბამისად ფედერაციასა და ფედერაციის წევრ აუდიტორულ კომპანიებში ფაკულტეტის ბიზნესის ადმინისტრირების საგანმანთლებლო პროგრამის სტუდენტების მიერ პროფესიული პრაქტიკის გავლა, პრაქტიკული მეცადინეობების ჩატარება ბუღალტრულ აღრიცხვაში, აუდიტორულ საქმიანობასა და ფინანსურ მენეჯმენტში;
- თ) ფედერაციისა და ფედერაციის წევრი კომპანიის თანამშრომლების მიერ ფაკულტეტის სტუდენტებისთვის საჯარო ლექციების წაკითხვა;
- ი) ყოველწლიურად ფედერაციისა და ფედერაციის წევრი კომპანიების ბაზაზე სამაგისტრო ნაშრომების მომზადება;
- კ) შესაბამისი მიმართვის შემთხვევაში ფაკულტეტის კურსდამთავრებულთა ჩართვას სერთიფიცირებული ბუღალტრის სტატუსის მაძიებელთა სასერტიფიკაციო პროგრამაში და მათ მიერ ფაკულტეტზე გავლილი შესაბამისი საგნების ჩათვლა.

მუხლი 2. ურთიერთთანამშრომლობის ფარგლები

1. მხარეები თანხმდებიან, ინტერესისა და მიზანშეწონილობის არსებობის შემთხვევაში:
 - ა) ერთობლივად განავითარონ თანამშრომლობა საბაკალავრო და სამაგისტრო საგანმანათლებლო პროგრამების შემდგომი სრულყოფის, მათი სერთიფიცირებული ბუღალტრის სტატუსის მაძიებელთა სასერტიფიკაციო პროგრამებთან ჰარმონიზაციის და დახვეწის მიზნით;
 - ბ) მონაწილეობა მიიღონ საქმიანობის საერთო მიმართულების მიხედვით მოწოდებულებისა და სახელმძღვანელოების პრეზენტაციაში, სამაგისტრო ნაშრომების რეცენზირებასა და კონფერენციების მომზადებაში;
 - გ) ითანამშრომლონ განგრძობითი განათლებისა და სასერტიფიკაციო პროგრამების, სერტიფიცირებული ბუღალტრის სტატუსის მაძიებელთათვის საგამოცდო პროცესის დახვეწის, ახალი ფორმების შემუშავებისა და დამკვიდრების მისაღწევად;
 - დ) ფაკულტეტის აკადემიურ პერსონალს ექნება შესაძლებლობა წაიკითხონ ლექციები ფედერაციის მიერ ორგანიზებულ სერტიფიცირებული ბუღალტრების განგრძობითი და სასერტიფიკაციო სასწავლო პროგრამების ფარგლებში, აგრეთვე სხვა კურსებსა და სემინარებზე.
2. თანამშრომლობის კონკრეტულ მიმართულებებსა და სფეროებზე მხარეებს შორის შესაძლებელია გაფორმდეს ხელშეკრულებები.

მუხლი 3. მემორანდუმის მოქმედების ვადა და სხვა პირობები

1. წინამდებარე მემორანდუმი ძალაში შედის მისი ხელმოწერისთანავე და მოქმედებს მანამ, სანამ ერთ-ერთი (ან ორივე) მხარე არ მოისურვებს მის შეწყვეტას.
2. მემორანდუმი მოქმედება შეიძლება შეწყდეს რომელიმე მხარის მიერ მეორე მხარისათვის წერილობითი გაზიავნილი შეტყობინების საფუძველზე. მემორანდუმის მოქმედება წყდება მეორე მხარის მიერ ზემოაღნიშნული შეტყობინების მიღებიდან 1 თვის ვადაში, თუ ამ დროისათვის მხარეებს დასრულებული ექნებათ მიმდინარე ვალდებულებები (მხარეების მიერ მემორანდუმით გათვალისწინებული შესრულებელი ვალდებულებების არსებობის შემთხვევაში, მემორანდუმის მოქმედება შეიძლება შეწყდეს მხოლოდ ამ ვალდებულებათა სრულად შესრულებისთანავე).
3. მემორანდუმი გაფორმებულია თანაბარი იურიდიული ძალის მქონე 2 (ორი) ეგზემპლარად ქართულ ენაზე, რომელთაგან თითოეული ეგზემპლარი გადაეცემა ხელმომწერ მხარეებს.
4. წინამდებარე მემორანდუმში ცვლილების შესატანად საჭიროა ორივე მხარის თანხმობა. ნებისმიერი ცვლილება ფორმდება წერილობით და წარმოადგენს მემორანდუმის განუყოფელ ნაწილს.
5. წინამდებარე მემორანდუმის შესრულებასა და განმარტებასთან დაკავშირებული სადაო საკითხები გადაიჭრება მემორანდუმის მხარეთა შორის კონსულტაციებისა და მოლაპარაკების გზით.

მუხლი 4. მხარეთა რეკვიზიტები

სსიპ - ივანე ჯავახიშვილის სახელობის
თბილისის სახელმწიფო უნივერსიტეტი

ა(ა)იპ - საქართველოს აუდიტორთა,
ბუღალტერთა და ფინანსურ მენეჯერთა
პროფესიული ფედერაცია

საიდენტიფიკაციო კოდი: 204864548
მისამართი: ჭავჭავაძის გამზ. №1
თბილისი 0179[®]

საიდენტიფიკაციო კოდი: 404921670
იურიდიული მისამართი: საქართველო, ქ.
თბილისის, ვაკე-საბურთალოს რაიონში, ალ.
ყაზბეგის გამზ., №2, ბ.27

გიორგი შარვაშიძე
რექტორი



ელგუჯა აფრიდონიძე
გამგეობის თავმჯდომარე

